

Хө өсгэлгъиг болн ноосна гарциг

ХОЙР ХОЛВХМН

Амн болгъна тоод мах, үс болн тос гаргългъар Америкин Соединенн Штатсиг өөрхн джилмүдин эргид күүцдж авх, хө өсгэлгъиг болн ноосна гарциг цааранднь икдүлхин тускар бичсн КПСС-н ЦК-н болн СССР-н Министрмүдин Советин бичгиг Яшалтинск района колхозникуд, МТС-н болн совхозмүдин көдлächр к гидг байртагъар тосцхав.

Мана района селәнә эдл-аху зургъадгч тавн джилин чилгчәр торгън нооста 280 минъгън хөбтә болх зөвтә. Тер цагт, хөбнә то 1956-ч джилд бәәснлә дүнъцүлхлә 1,7 дакдж икдхмн.

1960 джилд селәнә эдл-ахун эдлг 100 гектар газр болгъна тоод 703 килограмм ноос авхмн.

Алдр Октябрин 40-ч өбнд нерәдсн социалистическ дөрлдәнә даалгъвр-мүдиг мана района колхозмүд болн совхозмүд сәәнәр күүцәджәнә. Олна мал өсгелгънә государствени зуран бод малар, хөбгъяр, гахагъяр болн шовудар 1957 джилин июнь сарин 1-д күүцв. Эн джилд колхозмүд болн совхозмүд хө хургълуллгъан ниицнъгъу кевәр кев. Хөбчррин бригадс икнъкнъ сән үзмджтәгъяр өбдән хургълулсн деерән, авсн хургъдан эрүл-менд өсгв.

„Заветы Ильича“ колхозин ах хөбч үр Антоненко Д. Е. хургълх зун хөбнәс 129 хургъ авб, 383-ч номертә совхозин ах хөбч үр Венецкий Д. С.—128 хургъ авб.

„Победа“ колхозин ах хөбчрн үүрмүд Вахненко, Золотарев, Сталинә нертә колхозин ах хөбчрн үүрмүд Пономарев, Веретило, „Заветы Ильича“ колхозин ах хөбч үр Несмиянов В. Г., Хрущевин нертә колхозин ах хөбчрн үүрмүд Полонский Д. Т., Руденко М. И., Буденнә нертә колхозин ах хөбч үр Высоцкий Д. И.—эдн хургълх

зун хөн болгънас 118-125 хургъ авцхав.

Ода колхозмүдт болн совхозмүдт киргългън төгсджәнә. Буденнә нертә, „Победа“, „Заветы Ильича“ болн Хрущевин нертә колхозмүдт хөн болгънас 5—5,5 килограмм ноосн авгдджана. Ах хөбчрн үүрмүд Владимир Дерипаско, Легкодимов (Хрущевин нертә колхоз), үр Ищенко („Новый мир“ гидг колхоз), үр Головки („Заветы Ильича“ колхоз) эврәнн көдлмштән йир сән диилвр бәрцхäv. Тедн хөн болгънас 6—7 килограмм ноос киргъдж авцхав.

Буденнә нертә колхозд, наадк колхозмүдас сәәнәр хө киргългън болджана. Эн колхоз государствд 1300 центнер үнтә ноос орулад өгчкв.

Хөбнә то өсгхин төлә болн ноос авлгъиг икдүлхин төлә бидн иим социалистическ даалгъвр аввдн.

Хөбнә то өсгелгънд—үвләр хө хургълуллгън ик чинртә көдлмш. Öөрхн джилин туршарт мана района совхозмүд, колхозмүд 51 дулак хаша бәрх зөвтә. „Заветы Ильича“ болн Буденнә нертә колхозмүд тиим хаша бәрлгъиг эклчкв.

Эн джилә төлиг гару угагъяр хадгълхин кергт, хургъд бәәх сегиг хөбчрн кеджәнә, хургъдиг оln зүсн буудән умшар асрджана. Хөбнә киргългън төгсхлә, үвләр хө хургълуллгънд белдвр кедж, хургъдиг экәсн салгъдж, көг тәвлгъиг сәәнәр кехин эркд көг тәвлгънә пунктс ясгддж бәәцхәнә. Ода хөд-үвлзх газруп малин хот зөблгън эклчкв.

Колхозин болн совхозин партийн организацс хөбчррин бригадмүд батрахин кергт, хөбнә көдлмшт дамшлтта болн эн көдлмшт дурта улсд хө хәрүллгъиг даалгъджана. Дакад болхла, хө хәләлгънд коммунистир болн комсомольцнр илгәгдджәнә.

И. Н. БОНДАРЕВ,

КПСС-н Яшалтинск райкомин сәгләтр.